



## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 6. Mira peccatoris pœnitentis mutatio.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

Iuctus tantæq; lamentationis caussam scire cupientium. Metuebant enim, ne vir sanctus, Deo reuelante, aliquid vidisset, quod in omnibus ad templum euntibus, reprehensione dignum esset, orationesq; eorum ingratas efficeret; idq, eò magis, quod ab eo multis precibus impetrare non possent, ut cum ceteris etiam ipse oratus in Ecclesia intraret. Quali cogitatione vtinam etiam unusquisque nostrum se examinaret, quoties ad diuinia officia est accessurus. Dolemus durare bella, sentimus difficultates, timemus pericula, instituimus orationes, & non cogitamus quales ipsi sumus, qui sumus oraturi. Eodem ore petimus à Deo nobis pacem dari, & bellum eidem indicimus. Quo pacto enim illa lingua in templo Deum flecter, quæ illum paulo priùs, ante templū blasphemauit? Ita homines illi non sine causa solliciti fuerunt, ne inidonei ad orationem accederent. Inimicus ab inimico nihil potest fidenter, nisi veniam rogare.

## §. VI.

*Mira peccatoris pœnitentis mutatio.*

Iussi igitur illi in templum ingressi sunt ad Missam audiendam, S. Paulo simplici praeforibus templi relicto, ac indeclinenter plorante,

rante, ob miseri illius viri lachrymabilem statum, & tot catenas, quibus erat illigatus. Officijs diuinis, intra breve tempus, finitis, populoq; è templo regrediente, *Paulus* de-  
nuo singulos obseruauit, præcipue verò at-  
tendit ad illum, quem priùs viderat freno  
vinculisq; constrictum in ædem sacram in-  
troduci. Sed hîc nouum se se illius oculis  
spectaculum obtulit. Vix enim potuit illum  
virum amplius agnoscere, quasi repente  
alium factum. Sed diuina rursum lux illi,  
qualis iam esset, detexit. Non enim iam  
Æthiops videbatur, neque nigra in toto il-  
lius corpore macula apparebat, sed in con-  
trarium, omnia erant candida & mirificè  
lucebant. Neque iam cacodæmonum ca-  
terua stipabat, aut vinculis ligatum tene-  
bat, neque nares perforatus ducebatur; sed  
maligni spiritus, cum multis diruptarum ca-  
tenarum fragmentis tristes, & caput vncis  
vnguisbus scalpentes, multis demum passi-  
bus ab illo repulsi sequebantur. Ad latus  
autem illius iam bonus Angelus lætitijs &  
exultatione plenus adambulabat, & subla-  
tis subinde in cælum manibus Deo gratias  
dicere videbatur. Quàm verè tunc cani po-  
tuit: *Hec mutatio dexteræ Excelsi!* item: *Si Ps. 76. 11.*

Vz fuerint

**Ila. 1. 18.** fuerint peccata vestra ut coccinum, quasi nix dealbabuntur: & si fuerint rubra, quasi vermiculus, velut lana alba erunt. Deniq; appravit gaudium Angelorum, quod habent  
**Luc. 15. 7.** etiam super uno peccatore pœnitentiam agentem.  
**& 10.**

S. VII.

*Pauli Simplicis visio detecta.*

*Paulus simplex certè, aspecta hæc viritam subita, tamq; magna mutatione, præ gau dio exiliit, & tamquam sui oblitus, altissima lætitiae voce exclamare, & Deum laudare cœpit dicens: O ineffabilem Dei bonitatem & misericordiam! ô immensas Dei omnipotentis miserationes! Stitit isthæc inusitata vociferatio totam exeuntium multitudinem, quæ & Paulum sæpius eadem clamantem atq; in templum currentem è vestigio est sequuta, viro quoque illo, quid circa se factum esset nesciente, cum turba in templum regresso. Confertum erat iam templum, cum Paulus, supremo altaris gradu consenso, in hunc modum, voce contentissima, cœ-*

**Psal. 45. 9.** pit proœmiari. *Venite, & videte opera Domini, quam mirabilia & terribilia sint; Venite, & videte illum, qui vult omnes homines salvifici, & venire ad agnitionem veritatis. Venite, adoremus, & procidamus ante Deum, & dicamus:*